

LATIHAN KEMAHIRAN MENEMBAK PISTOL BAHAGIAN OPERASI DAN STRATEGIK

airforce.mil.my/berita/acara-rasmi/2628-latihan-kemahiran-menembak-pistol-bahagian-operasi-dan-strategik

KUALA LUMPUR, 3 Nov 17 – Panglima Tentera Udara, YBhg Jen Tan Sri Dato' Sri Affendi bin Buang TUDM telah turut serta dalam Latihan Kemahiran Menembak Pistol yang dianjurkan oleh Bahagian Operasi dan Strategik (BOS) di Lapang Sasar Pistol Pusat Latihan Polis (PULAPOL) hari ini.

Latihan ini merupakan satu acara yang dirancang dalam aktiviti tahunan BOS bagi memastikan kecekapan pengendalian pistol para pegawai TUDM berada pada tahap ditetapkan. Disamping itu juga, ianya juga dapat meningkatkan daya saing dan ketahanan mental di kalangan para peserta dalam pembentukan disiplin dan jati diri.

Turut serta dalam latihan menembak ini Timbalan Panglima Tentera Udara, YBhg Lt Jen Dato' Sri Ackbal bin Hj Abdul Samad TUDM; AKS Operasi dan Strategi, YBhg Mej Jen Dato' Kamalruzaman bin Mohd Othman TUDM dan Komandan PULAPOL, YDH Penolong Kanan Pesuruhjaya Polis Shamsudin bin Mat.



